



Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH (Službeni glasnik Brčko distrikta BiH, brojevi 17/08 i 20/10), i Prijedloga odluke gradonačelnika broj: 02-000209/11 od 14. 4. 2011. godine, Skupština Brčko distrikta BiH, na II. nastavku 46. redovne sjednice održanom 1. juna 2011. godine, donosi

## ODLUKU

### O USVAJANJU PROGRAMA SUBVENCIONISANJA DIJELA KAMATA ZA KREDITE PREDUZEĆIMA, PREDUZETNICIMA, PODRUŽNICAMA I NOSIOCIMA POLJOPRIVREDNIH GAZDINSTAVA NA PODRUČJU BRČKO DISTRIKTA BiH ZA 2011. GODINU

#### Član 1

Usvaja se Program subvencionisanja dijela kamata za kredite preduzećima, preduzetnicima, podružnicama i nosiocima poljoprivrednih gazdinstava na području Brčko distrikta BiH za 2011. godinu.

#### Član 2

Sastavni dio ove odluke je Program subvencionisanja dijela kamata za kredite preduzećima, preduzetnicima, podružnicama i nosiocima poljoprivrednih gazdinstava na području Brčko distrikta BiH za 2011. godinu, broj: 01-02-403/11-1 od 1. juna 2011. godine.

#### Član 3

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-403/11  
Brčko, 1. juna 2011. godine

PREDSJEDNIK  
SKUPŠTINE BRČKO DISTRIKTA BiH

**Esad Atić**

Dostavljeno:

- 1) Predsjedniku
- 2) Dopredsjedniku
- 3) Zamjeniku gradonačelnika
- 4) Odjeljenju za privredni razvoj, sport i kulturu
- 5) Razvojno-garantnom fondu Brčko distrikta BiH
- 6) Sektoru za koordinaciju politika i opće poslove  
- Odsjeku za opće poslove
- 7) Arhivi

**PROGRAM**  
**SUBVENCIONISANJA DIJELA KAMATA ZA KREDITE PREDUZEĆIMA,**  
**PREDUZETNICIMA, PODRUŽNICAMA I NOSIOCIMA POLJOPRIVREDNIH**  
**GAZDINSTAVA NA PODRUČJU BRČKO DISTRIKTA BiH ZA 2011. GODINU**

**Član 1**  
**(Cilj programa)**

Ovim programom regulišu se: korisnici programa subvencionisanja dijela kamata, sredstva programa, minimalni i maksimalni iznos kredita, namjena sredstava, rok trajanja programa i visina subvencionisane kamatne stope, uslovi koje treba ispuniti korisnik, postupak odobravanja i kontrola korištenja i izvještavanja.

**Član 2**  
**(Korisnici programa subvencija)**

(1) Pravo na korištenje subvencije dijela kamata imaju privredni subjekti s područja Brčko distrikta BiH, koji:

- a) imaju sjedište preduzeća, preduzetnika ili podružnice u Brčko distriktu BiH,
- b) registrovani su kao preduzeće, samostalni preduzetnik ili podružnica, u skladu sa zakonima Brčko distrikta BiH,
- c) registrovanu djelatnost obavljaju na području Brčko distrikta BiH.

(2) Pravo na korištenje subvencije dijela kamata imaju i fizička lica nosioci poljoprivrednih gazdinstava, koji imaju prebivalište u Brčko distriktu BiH i koji su upisani u Registar poljoprivrednih gazdinstava i Registar klijenata na području Brčko distrikta BiH.

(3) Pravo na korištenje subvencije dijela kamata ne mogu ostvariti banke niti druge finansijske organizacije i osiguravajuća društva.

**Član 3**  
**(Sredstva programa)**

Ukupan iznos sredstava namijenjenih za subvencionisanje dijela kamata u iznosu od 2.000.000,00 KM je osiguran Budžetom Brčko distrikta BiH za 2011. godinu i nalazi se na organizacionom kodu 17010001 - Pododjeljenja za privredni razvoj, ekonomski kod 614300 – Grantovi neprofitnim organizacijama.

**Član 4**  
**(Minimalni i maksimalni iznos kredita)**

(1) Minimalan iznos kredita za koji će se subvencionisati dio kamata je 5.000,00 KM, a maksimalan iznos kredita za koji će se subvencionisati dio kamata je 1.500.000,00 KM.

(2) Za preduzeća i preduzetnike iz oblasti trgovine minimalan iznos kredita za koji će se subvencionisati dio kamata je 5.000,00 KM, dok je maksimalni iznos kredita 300.000,00 KM.

(3) U slučaju da korisnik subvencije dijela kamata na kredite realizuje kredit veći od 1.500.000,00 KM, odnosno veći od 300.000,00 KM, „RGFBD“ Brčko distrikta BiH će subvencionisati dio kamata na iznos kredita do 1.500.000,00 KM, odnosno na iznos kredita do 300.000,00 KM, a za razliku preko ovog iznosa kredita neće se subvencionisati dio kamata.

(4) Ukoliko jedan privredni subjekt realizuje dva ili više kredita imat će pravo na subvencionisanje dijela kamata na zbir kredita koji ne prelazi iznos od 1.500.000,00 KM, odnosno 300.000,00 KM.

## **Član 5**

### **(Subvencionisanje dijela kamata iz posebnog programa za poljoprivredu u Brčko distriktu BiH)**

(1) Minimalan iznos kredita za koji će se subvencionisati dio kamata za fizička lica nosioce poljoprivrednog gazdinstva je 3.000,00 KM, a maksimalan iznos kredita za koji će se subvencionisati dio kamata za fizička lica nosioce poljoprivrednog gazdinstva je 30.000,00 KM.

(2) Minimalan iznos kredita za koji će se subvencionisati dio kamata za pravna lica nosioce poljoprivrednog gazdinstva je 3.000,00 KM, a maksimalan iznos kredita za koji će se subvencionisati dio kamata za pravna lica nosioce poljoprivrednog gazdinstva je 50.000,00 KM.

(3) Subvencionisanje dijela kamata iz ovog člana ne isključuje niti umanjuje pravo na subvencionisanje dijela kamata iz člana 4 ove odluke.

## **Član 6**

### **(Namjena sredstava)**

(1) Subvencionisani dio kamate bit će primijenjen na kredite odobrene za sve namjene, osim za one koji će biti korišteni za nabavku putničkih i terenskih vozila, a koji ne služe za obavljanje registrovane djelatnosti.

(2) Subvencionisani dio kamata bit će primijenjen i za nabavku osnovnih sredstava putem lizinga, osim lizinga za putnička i terenska vozila, koji ne služe za obavljanje registrovane djelatnosti.

(3) Kamata će se subvencionisati za kredite koji su odobreni putem svih banaka u Bosni i Hercegovini.

(4) Subvencionisat će se i dio troška na ime plaćanja profitne marže korisnika bankarskih sredstava prema banci koja na takav način posluje. Trošak ne uključuje troškove obrade zahtjeva i troškove penala.

## **Član 7**

### **(Rok trajanja programa i visina subvencionisane kamatne stope)**

(1) Subvencionisat će se dio kamata na odobrene kredite sa rokom otplate do deset godina i kamatnom stopom do 13%.

(2) Visina subvencionisanog dijela kamata za odobrene kredite iznosi 50% od uplaćene kamate.

(3) Pravo na subvencionisanje dijela kamata imaju preduzeća, samostalni preduzetnici, podružnice i fizička lica nosioci poljoprivrednih gazdinstava, koji imaju prebivalište u Brčko distriktu BiH i koja su upisana u Registar poljoprivrednih gazdinstava i Registar klijenata na području Brčko distrikta BiH; na kredite čiji anuiteti dopijevaju u 2011. godini, pod uslovom da su uredno vraćali kredite u prethodnom periodu.

(4) Dio sredstava predviđenih za realizovanja ovog programa iskoristit će se za subvencionisanje dijela kamate po Programu za 2010. godinu, preduzećima i preduzetnicima, koji su ostvarili pravo na subvencije dijela kamate u 2010. godini, ali kojima zbog nedostatka sredstava iz Programa za 2010. godinu nisu izvršene uplate za cijelu godinu.

## **Član 8**

### **(Uslovi koje treba ispuniti korisnik)**

(1) Uslovi koje treba ispuniti korisnik iz člana 2 stava 1, su:

- a) da je registrovan u Osnovnom sudu Brčko distrikta BiH,
- b) da vrši namjensko ulaganje sredstava na području Brčko distrikta BiH,
- c) da preduzeće ili preduzetnik nije pod stečajem ili likvidacijom, odnosno da nije predmetom postupka za proglašenje stečaja ili likvidacije,
- d) da dostavi dokaze o izmirenju obaveza, sa stanjem ne starijim od 90 dana od dana podnošenja zahtjeva, izdatih od nadležnih institucija koji se odnose na izmirenje obaveza po osnovu poreza i doprinosa.

(2) Uslovi koje treba ispuniti korisnik iz člana 2 stava 2, su:

- a) da je upisan u registar poljoprivrednih gazdinstava i Registar klijenata na području Brčko distrikta BiH,
- b) da je kredit, koji je predmet subvencionisanja dijela kamate realizovan u skladu s odredbama Odluke o plasiranju novčanih sredstava kroz kreditne linije s ciljem razvoja poljoprivrede na području Brčko distrikta BiH.

## **Član 9**

### **(Postupak odobravanja)**

(1) Sredstva predviđena za subvencionisanje dijela kamate će biti prebačena na račun Razvojno-garantnog fonda Brčko distrikta BiH.

(2) Razvojno-garantni fond će donijeti pravila i procedure kojima će urediti način i procedure za odobravanje i isplatu subvencionisanog dijela kamate.

(3) Na odobreni kredit banke tražilac kredita podnosi zahtjev za subvencionisanje dijela kamate Razvojno-garantnom fondu Brčko distrikta BiH.

**Član 10**  
**(Kontrola korištenja i izvještavanja i informisanja)**

(1) Razvojno-garantni fond Brčko distrikta BiH je obavezan mjesečno podnositi izvještaj Odjeljenju za privredni razvoj, sport i kulturu o broju izdatih saglasnosti za subvencionisanje kamata i po tom osnovu isplaćenih sredstava u izvještajnom periodu. Odjeljenje za privredni razvoj, sport i kulturu dužno je najmanje jednom u tri mjeseca dostaviti Vladi Brčko distrikta BiH, odnosno gradonačelniku, informaciju o realizovanju Programa subvencionisanja dijela kamate na kredite preduzećima, samostalnim preduzetnicima, podružnicama i fizičkim licima nosiocima poljoprivrednih gazdinstava na području Brčko distrikta BiH za 2011. godinu.

(2) Vlada Brčko distrikta BiH je dužna najmanje jednom godišnje dostaviti Skupštini Brčko distrikta BiH informaciju o realizaciji Programa subvencioniranja dijela kamata na kredite preduzećima, preduzetnicima, podružnicama i nosiocima poljoprivrednih gazdinstava na području Brčko distrikta BiH za 2011. godinu.

Broj: 01-02-403/11-1  
Brčko, 1. juna 2011. godine

PREDSJEDNIK  
SKUPŠTINE BRČKO DISTRIKTA BiH

**Esad Atić**